

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU BOSNE I
HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA
PROJEKAT FINANSIRANJA RAZVOJNE POLITIKE ZDRAVSTVENOG SEKTORA**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma održanoj 27.09.2023.godine i na sjednici Doma naroda održanoj 05.10.2023.godine,
d o n i o

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA PROJEKAT FINANSIRANJA RAZVOJNE POLITIKE ZDRAVSTVENOG SEKTORA

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu (u daljem tekstu: Sporazum) između Bosne i Hercegovine (u daljem tekstu: BiH) i Svjetske banke - Međunarodne banke za obnovu i razvoj (u daljem tekstu: IBRD) u ukupnom iznosu do 92.300.000,00 EUR-a, od čega se na Federaciju Bosne i Hercegovine odnosi 55.380.000,00 EUR-a, odnosno 60% od ukupno odobrenih sredstava za Bosnu i Hercegovinu.

II.

Sredstva zajma iz tačke I. ove Odluke dio su sveukupnog programa reforme u cilju dugoročne finansijske održivosti zdravstvenog sistema u BiH i unapređenja kvaliteta zdravstvenih usluga i zdravstvenih ishoda.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- rok otplate (uključen grace period):.....18 godina,
- grace period:.....5 godina,
- početna naknada.....0,25 % godišnje,
- naknada za održavanje zajma.....0,25% godišnje,
- kamatna stopa:.....LIBOR (za euro) + varijabilni spread,
- dospjeća:.....polugodišnja,
- datumi plaćanja glavnice i kamata:15. januar i 15. juli svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Nacrt Sporazuma o zajmu između BiH i IBRD-a.

V.

Daje se saglasnost za zaključivanje Supsidijarnog sporazuma između BiH i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

VI.

Za realizaciju ove Odluke i izvještavanje zadužuje se Federalno ministarstvo finansija – Federalno ministarstvo financija, Federalno ministarstvo zdravstva, svako u okviru svoje nadležnosti.

VII.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

VIII.

Ova Odluka stupa na snagu narednog dana od dana objavljivanja u “Službenim novinama Federacije BiH”.

PF BIH, broj 01,02-11-2164/23
Sarajevo, 05.10.2023.godine

PREDSJEDAVAJUĆI
DOMA NARODA
PARLAMENTA FEDERACIJE BIH

Tomislav Martinović

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić